

QUÆSTIO MEDICA.

Cardinalitiis disputationibus manè discutienda in Scholis Medicorum, die Jovis 8. Martii 1714.

M. GERMANO PREAUX, Doctore Medico, Regio
Professore, Præside.

An vixens in senectute appetentia vitæ longissimæ argumentum?

I.

QUÆ solidissimum quodecumque corpus, quotidie imminuit, tandem-
quæ consumit damnosa dies, humano tenero ac fragili non parcit:
huic principiorum suorum mobilitas, & jure ac indefinens partium quibus
constat, effluvium ruinam ineluctabilem minantur; nil igitur miserantis
orci victima, morti debetur homo; ^a *quis est enim qui vivet, & non videbit
mortem?* ^b lignum vitæ, quo comesto æternum vixisset Adam, ipsi tuncque
sux profapiæ ademptum; pharmacum immortalitatis, si quis quaerit, is
lapidem philosophicum quærentis frater est. At immortalitatis sibi negatæ
defectu, quidam stupentes in titulis & imaginibus, & amore gloriæ tracti,
nihil intentatum relinquunt, ut non omnes moriantur, & multâ parte sui
vitant libitinam; hi pro laude vitam pacisci non dubitant. Alii non ita
gloriæ appetentes & avidi, super terram divitiis malunt, quam in annalibus
vivere, & vitam quam non possunt facere æternam, longissimam saltêm,
quantâ possunt industriâ, efficere conantur. Cur autem vitæ longitudinem
tanquam bonum non spectent ac plurimi non faciant, quam ^c Deus pro
justitiæ pietatisque mercede pollicetur, & concedit? Optanda igitur ab
omnibus, ac non omnibus optanda: sunt nefarii, sceleratique homines,
quorum vita longa timenda est; sunt virtutis expertes, fruges consumere
nati, & ita viventes, ut frustra nati videantur; hos diu vivere parùm inter-
est: ac viri sunt heroïcis virtutibus inclyti, primarum artium maximè prin-
cipes, custodes gentium, patres urbium, populorum spes fidissima, quibus
fospitibus regna vigent; ex quorum vitâ pendet omnium talus, & securi-
tas: his tanquam immeritis mori, immortalitatem, si fieri posset, optarent
omnes; precantur saltêm, ut post Nestoreos annos, feri in cælum redeant.

^a Psalm. 88. 49. ^b Genes. c. 3. ^c Exod. c. 20. Deuterom. c. 15. Proverb. c. 3. c. 10.

VITÆ longitudini suæ causæ, sua signa sunt; verum cave ne illius causas deduci putes, ab *horoscopo*, sive altro nativitati præidente, quod longam (ut putant Astrologi) fortunatamque vitam efficiat, si fœlicibus influentiis, & placido lumine nascentem viderit: cave ne illius signa eruas ex certis lineis, quas iam manibus observant Chicomantici, & vitæ longitudinem, si longæ fuerint, portendere, autumant. Apage artes, quarum principia nulla sunt, infidæ observationes, dubiæ experientiæ: apagè viros, qui nugis camoris, speciosis rerum vocabulis illudunt; qui vanis pollicitationibus plurimis gratissimum errorem foveant. Si amas bonam mentem, ne dubiæ horæ spe, pendulus fluies, hæc omnia risum, jocumque feceris: si solidioris doctrinæ cupidus, veram longitudinis vitæ causam quæris, hæc est: bona valetudo sine qua ut beata, sic longa esse vira nequit, vera longævitas causa est; quis enim absque ipsâ, canitiem & longos annos sibi promittere audeat? pendet hæc a duobus potissimum, ab optimâ temperie, & recto ac legitimo rerum non naturalium usu: frustra enim quispiam a naturâ temperiem optimam fuerit nactus, nisi sciat ipsam accuratâ vivendi lege, & attentâ rerum non naturalium procuracione tueri; hæc duo simul cum reperiuntur & amice conjurant, longam vitam pollicentur: hæc autem duo adesse, certissimum est argumentum vigens appetentia, in senectute præsertim, in quâ bonum istud tantò præstantius æstinari debet, quanto rariùs.

I I I.

PENDET optima temperies, à debitâ rerum fluidarum crassi, & idoneâ partium solidarum principum quiddam, & vitæ magis necessariarum, compositione: ast & fluidas, & solidas partes, benè ac secundum naturam se habere, demonstrat vigens appetentia. Hæc, succi alimenta in ventriculo dissolvendis; hæc partium fluidarum, & sanguinis crasin laudabilem denotat. Succus ille mirabilis, ac sine vi potentissimus constat ex partibus salinis, sulphureis & aqueis, quas ex mole sanguineâ, fluidorum omnium scaturigine mutuatur. Moles sanguinea si crasin habet vitiosam, sales crudos, acres, aut acidos; sulphura impura, crassa, ferventia; humiditatem nimis aqueam, & spiritibus destitutam ventriculo suppedirabit, hujus dissolvens vitiabitur; & languens evadet, aut depravata, aut effera, aut canina appetentia: at benè constituta moles sanguinea nil nisi bonum suggeret ventriculo, undè dissolvens numeris omnibus absolutam & vigens appetentia exurget. Nec minùs hæc solidarum partium diathesin arguit: has inter & ventriculum est veluti fœdus quoddam, & bonorum malorumque communio; ^a ut se habet ventriculus, ita & totum corpus: dum valet & officio suo ritè fungitur, toti corpori benè est; quicquid delinquit, quicquid delirat, plectitur innoxium corpus; at ^b cum partium corporis aliæ aliis morbum faciunt, illæ dolentes, sunt vicissim ventriculo dolendi causæ. Si pars quæpiam dolore acuto, ulcere, abcessu, marasmo, aut alio gravi affectu tentatur, appetentia perit, & magna moventur stomacho fastidia, ipso in mali

confortium tracto, sive per sanguinis circuitum, sive per mirabilem nervorum sympathiam; nec ipsum tumentur calor & spiritus, quos ex se habet, aut ex vicinis partibus mutuatur, nec tot nervi per ipsius substantiam disseminati, nec trium membranarum robur & velut æs triplex. Si vigeat igitur appetentia, bene conjicias in solidis partibus nihil subesse vitii.

I V.

RES non naturales vulgò sex numerantur aër, cibus, & potus; somnus, & vigilia; motus, & quies; excreta, retenta; & animi pathemata: earum nulla est, quæ ut ad juvandam aut lædendam sanitatem, sic ad augendam minuendamve appetentiam, imprimis non conferat, pro ut bona vel mala; bene vel malè administrata fuerit. Quantum aër purus, tenuis, amœnus, turbido crasso caliginoso; quantum temperatus calidiori ad excitandam appetentiam præstet, cognoscet facillè qui attenderit, quantum qui rusticantur, urbium incolæ; qui in aëre temperato aut frigidiusculo vivunt, in calidiore degentes, comedendo superent. Si cibus debitâ copiâ & suavis assumatur, vigebit appetentia; evertetur si præter naturam copiosior ingeratur, aut injucundus: quemadmodum si vini sic immoderatior usus; nam ut *aqua vorax*, sic & vinum appetentiæ inimicum, & qui sunt multi meri homines, edaces parum, cum paucâ Cerere, plurimum Bacchum consumunt. Somnus & vigilia moderationem non tenentes; vita otiosa, aut operosa nimis; vacationes naturales immodicè profluentes, aut præter naturam suppressæ; vehementia animi pathemata, appetentiæ nocent dum spiritus & calorem, à quibus ventriculi *dissolvens* acuitur & animatur, aut extinguunt, aut dissipant, aut avocant à ventriculo. Cùm igitur bonus rerum non naturalium usus, ad appetentiam tantopere conducatur, in eo autem servare mediocritatem, & naturæ convenienter illos vivere certum est, qui semper appetentia vigent, præsertim si sint ætatis propectæ.

V.

COMMUNE est juvenibus plurimum habere caloris nativi maxima vigere appetentia, & copiosis alimentis egere; commune senibus parum habere caloris nativi, jejunium facillimè ferre, & paucis indigere nutrimenti: verùm, ut sunt juvenes quibus imbecillis calor, languens appetentia, & modicis alimentis opus est; sic & senes reperiuntur calore plurimo abundantes, vigente appetentia donati, & non mediocriter edentes. Illi à pueris illico fiunt senes, nec convivia, nec exercitationes corporis norunt, nec sunt affines earum rerum quas fert adolescentia; languidi & inertes, nullum officii aut vitæ munus possunt exequi. Hi, opipare epulantur absque valetudinis incommodo, fontibus integris gaudent, agriculturâ se oblectant, exercitationes, quæ sudoris habent plurimum equitationem venationem ferunt, & (quod palmarium puto) maxima negotia sustinent, & muneribus quibusve necessitatis gravibusque perfunguntur: horum igitur senectus juvenilis, quemadmodum illorum senilis juvenus. Quod si senes

^a Hipp. Lib. 6. Epid. Sect. 4. ^b Hippocr. Aphor. 13. & 14. Sect. 1.

acri præditos appetentia, cum senibus ordinariis conferre velis, hi sunt incurvi, tremuli, labiis demissis, victi, veterinosi, decolores, macie suprema confecti; his genua labant, manibus tremor incidit, gelidus hebet sanguis & frigent effæta vires: senectus talis morbus est; senes isti, fabulæ. At senum bellè comedentium, qui color, nitor, quæ hactenus corporis? spectata cultum, faciem, gressum, nil in istis quod senile videri possit, reperias: talis senectus cruda viridisque, sine querela est, & nulla habet quæ turpia celare debeat: senex igitur seni quid præstat? Bene comedens, parum comedenti quid interest? Porro cum ætates temperamento ac viribus definiri magis debeant, quam annorum numero, nonne senes istos, quibus exquisitum temperamentum, longissimam pollicetur annorum seriem, in eâ ætate quâ alii senes esse solent, ferè juvenes esse censendam, & apud ipsos, plurimum superesse Lachesi quod torquear.

Ergo vicens in senectute appetentia vita longissima argumentum.

Proponebat Parisiis ANTONIUS LE MOINE, Parisinus, Baccalaureus Medicus. A. R. S. H. 1714.